庫全書

子部

欽定四庫全

南華真經義海藻假卷五十四里

於計臣何思鈞覆勘 教官學正臣李 嚴 教官席書士臣倉聖縣

次定四事全書 旋其面目望洋向若而嘆曰野語有之曰聞道百以為而東行至於北海東面而視不見海端於是馬河伯始 時至百川灌 秋水第一 河徑流之大两沒者涯之間不辯牛 南華真經義海暴微 以天下之美為盡在已順流 褚伯秀 撰 時已而不虚春秋不變水旱不知此其過江河之流不 於大海乃知爾醜爾將可與語大理矣天下之水其大 之義者始各弗信今我睹子之難窮也吾非至於子之 於海萬川歸之不知何時止而不盈尾問泄之不知何 也 門則始矣吾長見笑於大方之家北海若曰井蛙不可 已若者我之謂也且夫我當聞少仲尼之聞而輕伯夷 曲士不可以語於道者東於教也今爾出於涯沒觀 語於海者拘於虚也夏蟲不可以語於水者寫於時 見五二

受氣於陰陽吾在天地之間猶小石小木之在大山也 舟車之所通人處一馬此其比萬物也不似毫未之难 手號物之數謂之萬人處一馬人卒九州穀食之所生 空之在大澤乎計中國之在海內不似梯米之在太倉 於馬體平五帝之所連三王之所爭仁人之所憂任士 方存乎見少又奚以自多計四海在天地之間不似層 可為量數而吾未當以此自多者自以比形於天地而 的勞盡此矣伯夷辭之以為名仲尼語之以為博此 りょけい至。之野に改

敏定四座全書 其自多也不似爾向之自多於水乎 郭象註不辯牛馬言其廣也吾長見笑於大方之家 其間也物之所生而安者趣各有極以其知分故可 知其小而不能自天則理分有素政尚之情無為乎 地則各有量也此發辭氣者有似乎觀大可以明小 尋其意則不然夫世之所患者不夷也故體天者快 以言理也窮百川之量懸於河河懸於海海懸於天 謂小者為無餘質小者現然謂大者為至足是以

楊矣若觀大而不安其小視小而自以為多將奔馳 知其極物安其分逍遥者用其本步而遊乎自得之 先極其差而因其所謂大者至足故秋毫無以累乎 不出乎一城物有定城雖至知不能出焉敌起小大 小大之辯不可相段故五帝三王仁人住士之所為 於勝負之境而助天民之矜誇豈達乎南華之旨哉 天地所謂小者無餘故天地無以過乎秋毫然後各 上下跨政俯仰自失此生民所感也欲正之者莫若

一致定匹庫全書 楯 手大道之譬徑流雨沒不辨牛馬則為道而不出乎 從無窮之遊也拘於猛則大小之所限為於時則久 遥者以此出涯涘而觀天海則脫其拘限而與於無 兩旁中央而未至乎無所不見也順流至於北海言 呂惠鄉註秋水時至百川灌河則學自外至而未達 之差將以申明至理之無辯也 近之所專東於教則方術之所制天下所以不得道 理而求則必得其所歸旋面望洋向若围超天道

钦定四車全書 者不能循道道歲也聖人時也執一時而疑歲者終 林疑獨註拘墟者不能背境為時者不能趨變束教 為博自大道無方觀之輕其義而少其文豈虚言哉 任士之所憂勞不過於此而或辭之以為名語之以 在海内人卒在萬物若亡若存如此而五帝三王仁人 加益尾問泄之不虚則損之不加損非久近所專非 方之觀故可以語大理也萬川歸之不盈則益之不 小天所限此水之幾於道也計四海在天地間中國 Į 南華真經義海察徵

陽則吾其所制役吾形在天地之間渺然者若小木 疾而觀海則不敬於一曲 可以語大理矣夫北海萬 教其心則一儻不明此皆東於教者也今河伯出涯 道散而為教教者各售其師之說久而成弊則泥束 川歸之而不盈尾問泄之而不虚遠過江河之流豈 不通今為儒者則非釋為釋者則非過不知三聖立 不聞道矣聖人之言應時而變所變者言所同者道 可量數而未當以此自多者比形於天地受氣於陰

泉所聚何異一毫之在馬體即五帝之連續揖讓三 陳祥道註老子多以水喻道道在乎有本水貴乎有源 為博而誇大於當世亦猶河伯之自多於水也 置於山澤之間亦如北海之在天地也夫物數以萬 同俱盡於毫未而已伯夷辭國以為名仲尼修經以 王之征伐爭國仁人之憂民任士之勤職雖事業不 為號取其盈數言之人是萬物中一物中國九州人 小石之在泰山也礨空蟻穴梯米稗子皆至小者而 南華真經義海藻微

次定日車人

五

是時也大道裂於百家天真沉於俗習而一曲之士 篇所以作也盖百家之學以長聚為能故託之河伯 聖人之道以順物為功故託之海若百川歸之不盈 莊子所以以北海喻聖人之道秋水喻百家之術當 庭而早天下之居登泰嶽而知衆山之小此秋水之 以語海篇時之蟲不可以語水及其悟也然後仰天 方且欣然以天下之美為盡在已猶拘墟之蛙不可 尾間泄之不虚歸城無底故也以小大相視則有餘 处五十一

陳碧虚註望洋見水之盛大貌未至海門則成鄙恆 不足之累生以大小相忘則俯誇仰嘆之情艰莊子 處毫未皆為貪者舉喻五帝之所連謂連續仁義也 自多者蓋取善下後身之義齊魏之爭蝸角兆民之 所以為無隅者所强是故通變適時廣天之道也君 不期於相忘而期於相視將以驅小道歸宿於大方而已矣 子小人各有涯量越分妄語自遗其醜知其醜者乃 可語理知愚惑者非愚惑也夫水莫大於海未嘗以 南上直型 及每十八般 九

金定匹庫全言 林氏属齊口義云涇濁也河水縣至而獨拍兩岸故 獸論之二的發得極妙言世界之小如此五帝三王 名者論之其在九州之内又只是一件此合草木鳥 經轉空小穴也人處萬物中之一比合太虚之間可 拘墟為時聽站不知春秋之類尾問沃焦也見山海 日徑流之大兩沒非徑渭之徑也洋海中若海神名 知所能皆不出其內也 褚氏管見云觀於海者難為水遊於聖人之門者 卷五十一 ラン リー・フェー 嘆無怪乎海若引井蛙夏蟲之喻繼又形容北海 海奚啻馬體一毫未則安知天地之外不有大於 謬使為天方之歸而已矣 若首答天意在曲士東於教欲有以祛其自多之 難為言故秋水至而河伯欣然東至海則望洋而 分與鯤鵬明鳩之論相類文體機軸變換愈奇海 天地者乎故是篇借河海問答以明小大少多之 之天不可量數然計四海之在天地中國之在四 南華真經義海禁微

金定四库全書 近故小而不寡大而不多知量無窮證婦今故故遥而 物量無窮時無止分無常終始無故是故天知觀於遠 河伯曰然則吾大天地而小毫未可乎北海岩曰否夫 之時不若未生之時以其至小求窮至大之域是故迷 知始終之不可故也計人之所知不若其所不知其生 不憂知分之無常也明乎坦途故生而不悅死而不禍 不問殺而不改知時無止察乎盈虚故得而不喜失而 辯論極致詳見下文

とこう にたい 亂而不能自得也由此觀之又何以知毫未之足以定 至細之倪又何以知天地之足以窮至天之城 古今遥長也撥短也證盟古今知變化之不止於生 郭註物各有量死生時行得失皆分終始日新各足 而無餘則知遠近小大之物各有量鄉明也今改猶 明始終之日新則知故之不可執而留矣是以涉 分之不常於得也能忘其憂喜死生者日新之正道 死故不以長而挹悶短故為跂察其一盈一虚則知 南華與經義海藥微

をしたんとう 定細大之定大耶 秋毫不求天地之功則周身之餘皆為棄物天地不 謂小者豈真小耶小不為寡大不為多以知量之無 吾知之所知而莫得其盡則吾所謂大者豈真大所 呂註道非小天豈有定體今天天地吾以為至大極 見天於秋毫則顧其形象幾自足耳將何以知細之 限生時各有率莫若安於所受之分則大小俱足若 而不愕舍敌而不驚雖死生之化若一而所知各有 卷五千

喜失而不憂知分之無常也有始必有終有終必有 始原始要終而明乎坦途故生而不脫死而不禍以 問掇而不跂以知時之無止也吾安能鬱鬱待百年 謂曏與今者豈有止哉證夫曏今之皆故則遇而不 窮也我以鄰為那今為今未及言而今已為羅則所 知終始之不可故也則物之所謂時分終始豈真知 而政者也日中則是月滿則虧察乎盈虚則得而不 之王則遥而悶者也彭祖以久特聞衆人匹之則撥 南華真經義海藻敬

金牙にたべる 明證今古所行之道雖甚遠而心無不通之問所取 死生以大知觀之是皆不足以為物之遠近小大也 之取平時者物之變化分者物之辨制始終者物之 疑獨註以形觀物有小大以道觀物無小大量者物 是以迷亂而不自得也 也知至小也無窮至大也以至小而求窮至大之域 有知未生則無知則其生之時固不若其未生之時 也哉知而非真知則所知固不若其所不知也生而 卷五十

喜於其間明乎坦途故死生不足以動其心則日新 察乎盈虚故得失無心知分之無常也世人之憂皆 物之境至大以至小求至大非迷亂而何 而無故也夫人有知則為知所役勞形际心逐物忘 係乎得失唯大知者知得失非己任其自然而無憂 不息不若未生之時寂然虚無而已人之知至小萬 己不若無知真然自得矣人生之後為生所役膠擾 之物拾之甚易而無強行之跂此知時無止者能之

人かり馬したる

有華真經義海藻做

1

金ケロノノー 為至大耶 碧虚註物量無窮則不可以言小天時無止則不可 知終始無故則死生不足為禍悅人之所以觀是者 祥道註知物量無窮則小大不足為多寡知時無止 知而復乎未生之時則孰知大者不為至細細者不 以其所知也所以有知者以其有生也能真其所以 則今古不足為獸跂知分無常則得失不足以憂喜 以言代謝分無常則不可以言得喪終始無故則不 卷五十

賤故失之不憂知死生為去來故不知悅惡也迎不 然虛曠無窮生則利害紛錯死則寂寥一空以蟻蛭 見首隨不見後理宣有故哉是知分别之知有盡悦 時難留也察富盈之何貴故得之不喜知貧虚之何 之趣究崑崙之墟則困矣毫未具體細倪有餘也天 也已近理天所費甚微故其量莫極也獨普遥而不 可明即今极而不可證物遷不可問日新不可跂故 可以言變化大人滌除玄覽知物遠事小其用乃聚

Jan Jan Jahr

南華照經義海察散

金与巴尼人 時無止言寒暑畫夜分無常言有無得失終始新故 属齊云前言其天於此又言無小無大即所謂莫大 地傾缺天域不足也 於秋毫之未而泰山為小也物量無窮言不可量數 生死聽之明乎比則知終猶始不可以終為故也人 至者遠而不憂掇而可取者易而不跂由乎正道而 大知之人然後有下面四知明今古為一故迎而未 之所知者人所不知者天既生之後我則知之未生

亂而不自得也 之前我何由知以我之至小欲窮至大之天宜乎迷 益其生也脩短定分安之而已人固不能無生不 之有考明今故之不停則此理可見遥謂歷時之 不務真知而求妄知不務全生而求益生以有限 久掇謂推移之速不問無厭其所生也不跂無求 人能知夫物量時分之無常又何終始小天多寡 無知而經云不若無知不若未生者蓋為世人

|欽定四庫全書 南華真經義海暴微卷五十一 藝缺之問是也不若未生髑髅不願人間之勞是 明何以定物理細大之倪域哉不若無知王倪對 不知為知則於生何累於知何有哉 也然既生既知矣將何以自免曰能以無生為生 而追無窮忘素分而希券外在已之利害不能自 卷五十一

者期於有形者也無形者數之所不能分也不可圍者 欽定四庫全書 伯曰世之議者皆曰至精無形至大不可圍是信情 北海若曰夫自細視大者不盡自天視細者不明夫 南華真經義海纂微卷五十二 小之微也母大之殷也故異便此勢之有也夫精粗 秋水第二 褚伯秀 撰

欽定四庫全書 人無已約分之至也 世之爵禄不足以為勸戮恥不足以為辱知是非之不 力不暖貪汙行殊乎俗不多辟異為在從泉不暖佞話 粗焉是故大人之行不出乎害人不多仁思動不為利 物之精也言之所不能論意之所不能察致者不期精 數之所不能窮也可以言論者物之粗也可以意致者 可為分細大之不可為倪聞曰道人不聞至德不得大 不賤門隷貨財弗爭不多辭讓事焉不借人不多食乎 卷五十二 南華與紅東海鎮機 C.].... 郭註目之所見有常極改於大有所不盡於細有所 言無意之城而後至馬大人者無意而任天行舉足 意有也所以言意者無也求之言意之表而入乎無 應理而動往物所能而位當於斯非由賤之故措之 而投吾地豈出害人之塗哉無害人而不自多其思 可圍則無異便之勢言意所不能及何精粗之有言 不明直是目有所不逮耳精與天皆非也記知無形 而不可圍者哉大小異故所便不得同若無形而不 南華真經義海察設

金坂匹に在書 真也 聞物各無失則得名去任物而已約之以至其分敌 斯職各使分定適中自任自足而已理自無欲故無 呂註自細 於心故玄同也任物而物性自通則功名歸物 也自大視細者縣與棲蚊睫視之而不見直不明 可無不可所以與俗殊往理而自然正直榮辱不接 非無形也夫精粗者期於無形有形者數不能分不 視大者目力所不及直不盡耳非不可圍 卷五十二 故 耳 不

乎害人性自然也不多不仁思非有為也門隸則以 於無所分此道人所以不聞至德所以不得而大人 豈知是非之為分細大之為倪哉人能約分之至至 此皆出於自然世之爵禄刑罰不足以為勸懲矣夫 辟異則以殊俗為事佞諂則從君親而非從衆也凡 利為事辭讓則不爭食乎力則不借人貪汙則反是 物之精道則超乎言意不期精粗馬故大人之行出 可圍者數不能窮可以言論者物之粗可以意致者

Leta. 19 und Limite

. V

南華員經義海幕微

金りなけんだった 所以無己也 疑獨註經云天之蒼蒼其正色即其遠而無所至極 毫無物吾去之遠也遺其目力以神會之則至大者 中之小物自我觀之其天無極非天地之大特吾身 即故自細視大者不盡自大視細者不明世之議者 因其目力之所視遂以為得其愚甚矣且天地者空 之小耳秋毫者形中之細自遠觀之則不可見非秋 亦可圍至小者亦有形此海若所以為善道而以理

意致言論者極物而已豈足以盡道唯不言之言耳 精粗盡哉大人者自足於分內雖不害人而仁思及 所不能聞意所不能察有心者所不能得也其可以 猶為細物自精視之已為大之盛也物之精粗可以 推之也盖至小為微精則又小母者隸也自大觀之 多辭讓以與人事不假人而食力不多行雖殊俗而 不賤門隸門隸抱關而為貧者也貲財雖弗爭亦不 人亦不多因性之所有而不加益也雖不為利動而

1. J. J. J. J. J. L.

南海直 坐以都大人

9

金好也是多言 害人疑多仁恩也而不多仁思貨財不爭疑當辭讓 道無所聞德無所得由於大人之無己盡其性分之 祥道註天人之於天下忘物以心忘心以道不出乎 内而至約也 辟異者少為在從泉敌也凡此所以為天人之行高 之為勸戮恥之為辱與夫是非之分細大之倪哉故 不為夷惠之清和甲不為盗蹠之殘暴又豈知爵禄 也而不多辭讓事焉不借人疑多食手力也而不多 卷五十二

量 碧虚註雌與莫適海涯大鵬不顧蓬义所視有極過 被得無所得致於無已則吾丧我矣尚安有物哉非 隸以自貴不賤貪污以自潔不賤諂佞以自直如是 約之以分而至其至者不足以與此 則爵禄戮恥無所櫻其內是非大細無足辨乎外 食平力行殊乎俗疑多辟異也而不多辟異不賤門 凡精粗之在夫言論意致者亦異容心哉故聞非聞 則殆矣精择不出於形而未免於言論意致也知 一月年 八里 文海有於我

金定四库全書 恩利召害故貨財不爭雖行殊乎俗常和而不唱爵 非自然而然也 **鬳齋云管中窺天者不盡鵬鳥下視塵埃者不明無** 得則次失也大人無已己亦物也以上皆約分之至 禄不足勸戮恥不為辱外其身也是非不可分細天 天不可以數盡日秭日兆亦不可也精粗局於形故 形之小不可以數分曰毛曰易亦不可也不可圍之 不可倪虚其心也道人不聞聞則可道也至德不得 老五十二

為非我不爭貨亦不以辭讓為能事皆自為無所資 其行無異乎人而不自崖異為在從泉和光同塵也 於人然不盡用其力以自食貪污之人亦不鄙賤之 無分是非混同細天不聞則無名不得則無丧天人 不敗佞韶由由然與之處焉能免我之意若此等人 以精粗論矣雖不害物亦不爱物故曰不出乎害人 不多仁思門隸賤役求利者我不求利亦不以求利者 可以言論意推若小天皆無形則非言意所極不可 朝華其聖長海中, 六

金江口人全重 者會至理於至約而盡已分之事約分則盡已也 超乎精粗則言意所不能及也言意不能及形數 無成壞也夫物之粗者可以言論精者可以意致 於無形大至於不可圍則非形可定非數可分故 者大之盛小大雖殊皆有形有數故有成壞精至 自細視天至於不盡而止非天止於此也自大視 細至於不明而止非細而無形也精者細之極時 不能分者其唯道乎故天人以利物為先而不以 卷五十二

河 伯曰若物之外若物之內惡至而倪貴賤惡至而倪 亦惑手 亦至易也今世人乃棄內而求外舍易而趙難不 非越分而求也夫道德至貴也求之外內而足則 小人聽其两行是非小大不足為辨又何爵位教 大人之行異乎世俗以至佞諂亦不賤之則君子 仁恩自多不為利動而不賤超利之人此下皆述 恥之足為勸懲我由是知大人虚已而道德自歸

Į

有華真經養海暴設

Ł

金でじたる書 無之則萬物莫不無知東西之相及而不可以相無則 小大北海若曰以道觀之物無貴賤以物觀之自貴而 因其所非而非之則萬物莫不非知堯桀之自然而相 功分定矣以趣觀之因其所然而然之則萬物莫不然 功觀之因其所有而有之則萬物莫不有因其所無而 天地之為梯米也知毫末之為丘山也則差數親矣以 相賤以俗觀之貴賤不在己以差觀之因其所大而大 則萬物莫不大因其所小而小之則萬物莫不小 卷五十二

殊器也騏驥驊騮一日而馳千里捕鼠不如狸狂言殊 技也鴟鵑夜撮養察毫未畫出瞋目而不見丘山言殊 不可行明矣然且語而不舍非愚則誣也帝王殊禪 有時未可以為常也梁麗可以衝城而不可以空穴言 而王白公爭而滅由此觀之爭讓之禮堯集之行貴腹 非則趣操親矣昔者堯舜讓而帝之喻讓而絕湯武爭 理萬物之情者也是猶師天而無地師陰而無陽其 也故曰蓋師是而無非師治而無亂乎是未明天地

元色ヨーには

南華真經義海藻散

金生世产生 謂之義之徒熙熙乎河伯汝惡知貴賤之門小大之家 代殊繼差其時逆其俗者謂之篡夫當其時順其俗者 郭註物無貴賤各自足也自貴相賤此區區者乃道 其稱岩夫觀差而不由斯道則相加相傾不可勝察 者足也所小者無餘因其性足以名大則毫未丘山 之所錯綜而齊之貴賤不在已斯所謂倒置也所大 不得異其名因其無餘以稱小則天地梯米無以殊 也天地莫不相為彼我斯東西之相反也然猶唇齒

といりまりしたから 甚天下失業而情性爛漫矣故其功分無時可定也 未管相為而唇亡則齒寒彼之所為濟我之功弘矣 者堯也有然有非者桀也然此二君各受天素不能 物皆自然致無不然物皆相非故無不非無然無非 敌因其自為而無其功則天下之功莫不皆無因其 相為因竟桀以觀天下之趣操不能相為可見夫應 其自為之功而思夫相為之惠惠之愈勤而偽薄滋 不可相無而有其功則天下之功莫不皆有若乃忘 南華真經義海藻微

金りせんと言 得也 道非物也以俗觀之貴賤不在己而道非俗也道非 無主能行之天均恣其两行則殊方異類同焉而皆 其所以迹矣若就其殊而任之則物莫不當天地之 呂註以道觀物安有貴賤以物觀之自贵而相賤而 理萬物之情以適性為治失性為亂殊性異便是非 天順人而受天下者其迹則爭讓之迹尋其迹者失 物與俗則非貴賤也因其所大而大之因其所小而 卷五十二

道者两忘而休乎天均惡用而倪貴贱小大哉以堯 謂功者其分定矣而道非功則非有無也因其所然 謂趣者其操觀矣而道非趣則非是非也若然則為 則非小大也因其所有而有若東必有西因其所無 形而至於為丘山則所謂差者其數都矣而道非差 而然所非而非知堯桀之出於自是而交相非則所 而無無東則無西知東西之相反而不可相無則所 小之知天地差於太虚而至於為稱米毫末差於無

たなり 中心ます

南華與經義海藻微

金りロア 舜之讓為是則之喻以絕以湯武之爭為是則白公 熟為貴腹觀之以物則各貴我而賤被夫物之貴賤 疑獨註若物內外言性分之內外也無貴無賤自然 義徒言其衆 梁麗不可室穴騏驥不能捕鼠鴟偽不能書視三者 不同而欲齊之是未明乎天理物情也篡夫言其獨 以滅爭讓之禮堯禁之行貴賤有時未可以為常也)理有贵有賤強為之別觀之以道則無彼我是非

者足以謂之大大不求於為小則大者足以謂之小 之有也然而功之所有屬守造化自然而已此可謂 天下動植之物生育長養莫不有功於其間此可謂 此而已有者妙有常有者也無者具無常無者也舉 無餘則立山可以等毫未萬物差數無窮所觀者如 因其所大而自足則毫未可以等丘山因其所小面 大理不可易而形則有差惟其小不求於為天則小 非出乎性因習而成敌以俗之貴賤不在己物之小

欠己日東人生

.

南菲真經義海暴做

金なでという 之無也涉有則不見無冥無則不見有其相反若東 也又譬之梁麗騏驥鴟佛之殊用殊枝殊性也盖是 之時則照若堯是禁非亦各有時而己未可以為常 則趣操可親故或讓而帝或讓而絕或爭而王或爭 是有非彼我相非堯桀所以輕也因其自然而相非 西而實不可相無則功分自然而定矣萬物之理有 而減爭讓之禮於免舜湯武之時則貴於之會白公 師治師天師陰師皆其一偏其不可行明矣禪之 卷五十二

繼不因時順俗則謂之篡當時順俗則謂之義本 吾一以是觀則孰知天小有無是非之辨哉然天下 則有小天功則有有無趣則有是非然吾因其所天 祥道註以道觀之物無貴賤離道以之物之俗故差 而未不同何足論其優劣乎 而絕或爭而王或爭而滅同而異也異而同者不在 之理異而同同而異其變不一而不可以為常或遜 而大之因其所小而小之以至功之有無趣之是非

次定四庫全書

Ī

南華具經養海纂微

貴賤小大惡可以倪之哉由是知是非治亂天地陰 碧虚註道無貴賤物情好惡耳世俗所尚皆外物也 陽常相為用而不可以貴暖小天論也 殊器能有殊技生有殊性貴比則被賤大被則此小 差奪理久矣東西之相及猶高下之不可相無功自 皆可大因其小而謂之小則物皆可小此差數也以 夫小天地大毫末非理也岩因其大而謂之天則物 物而在道同而異者不在迹而在時非特是也用有 灰定四車全書 三 我有濟被必矣我若無功彼何賴馬堯之所然而然 操之異君子小人器識分矣然是非治亂常相倚伏 大矣 聖凡趣操能可同哉堯舜湯武順天時守功分者也 之則天下莫不然禁之所是而是之則天下孰敢是 以語道差時逆俗者在貴即殷當時順俗者方小即 不可不察也師天無地師陰無陽者膠固不明未可 之會白公述人事執差數者也故貴暖無常在乎趣 南華具經義海察散 1

等差之數不足言矣各任一職以為功曰功分農商 属齊云自貴而相賤點壅豕冷時為帝也貴賤不在 然非即齊物論因是之意改以殊器殊枝殊性者喻 以堯為是以祭為非因極操之當然以不有發者君 己即軒冕儻來之意以天地比務果毫未比泰山則 何以與觀之則趣操之不可定見矣因其小大有無 工質世間不可關一猶東西之相反而不可相無也 之天地陰陽亦喻其不可相無篡夫義徒即堯桀之

又小月 ~ 1.11 論 **貴賤不在己忘已住物也因大而大因小而小** 枝之異能殊性之異便不可以一緊論也若師 相無則物理人情於斯可見矣故爭讓之迹善惡 物所宜也以至功趣之有無然非相反而不可以 物無貴賤己物兼忘也自貴而相賤被是未忘也 而無亂師陰而無陽非明乎天地萬物之理者也 行貴殿有時而未可以為常猶殊器之異用殊 南非真經養海暴微 4 治

金ケアとうき 南華真經義海纂微卷五十二 禪繼順逆各因其時而已汝不必多言也縱使言 知貴晚小大之所從出者當於未始有物求之 之僅論其述耳又惡知貴暖小大之所從出哉欲 巻五十二

たいう。単人··· 乎若國之有君其無私德縣終乎若尽之有社其無私 與道天塞何少何多是謂謝施無一而行與道來差嚴 欽定四庫全書 何北海若曰以道觀之何貴何賤是謂反行無拘而志 河伯曰然則我何為乎何不為乎吾解受取舍吾終柔 南華真經義海藻微卷五十三 秋水第三 Į. 南華真經義海篡微 褚伯秀 撰

金のヒんノモ 福汎汎乎其若四方之無窮其無所畛域兼懷萬物其 孰承真是謂無方萬物一齊孰短孰長道無終始物有 為乎何不為乎夫固將自化 死生不恃其成一虚一滿不位乎其形年不可舉時不 可止消息盈虚終則有始是所以語大義之方論萬物 理物之生也若驟若馳無動而不變無時而不移何 郭註貴賤之道反獲相尋自拘執則不夷於道隨其 分故所施無常不能隨變則不齊於道無私德公當

變耳非終始也知成無常處故不以形為位而守之 其間則敗其自化矣 呂註學者平日係於有物一聞道無貴暖小大則於 方故能以萬物為方而莫不皆足死生者無窮之 Ð 不變欲舉之令去而不能欲止之使停又不可變化 生反之分內而平往者也豈扶陳而承翼哉唯其無 而已無私福天下所同求改汎汎然無所在奄御季 新未當守故但當就用不可執也若有為不為於

スロファラ ノル

南华旗型內海暴放

為暖行則有耗耗為貴行為暖則當放志而無拘拘 賤者是物之反行而已非道也反則有往反為貴往 為不為辭受取舍之際莫知所從固其宜也所謂贵 為多飲為少當两行而無一一而行則與道參差而 而志則與道大蹇而不通矣所謂少多者物之謝施 不當矣無私德則於所君之人無所獨賴無拘而志 而已非道也謝則有榮謝為少樂為多施則有欽施 謂也無私福則於祭之人無所獨與無一而行之 卷五十三

是謂無方萬物一齊與道當而不參差也恃其成則 謂也無所畛域與道通而不大蹇之謂也其孰承麗 間固將自化安排而去化之謂也 際哉若驟若馳言變化密移則何係心於為不為之 大道之方論萬物之理也奈何係心於鮮受取舍之 而不政消息盈虚終則有始則天行而已是所以語 分之無常也年不可舉故遥而不問時不可止敌殺 不知終始之不可改位乎形則不察乎盈虚而不知 南海真里夏牙茶般 =

金定四庫全書 貴賤少多出於强生分别非道之真理道之真理則 措意於蘇受取舍之間哉行者有餘施者所分者也 之人無所獨賴無私福則於所祭之人無所偏與此 疑獨註萬物之理真於自然非為也非不為也又何 祥道註行者廣平之地反之則平復為陂平陂之分 下註文並同呂說 而已以道觀之貴不為加賤不為損多非有餘少 不足又何有貴賤少多之别哉無私德則於所君 卷五十三 こうこうこう 賤而不累於名謝施則忘少多而不累於利若是而 貴賤小大不出乎二端耳貴賤無主而反覆流行常 賜予而不以為仁多少之數豈足計哉反行則忘貴 施宜也世道參差而行止適變理也德私則不嚴毅 碧虚註當受而不受何為乎被舍而我取何不為乎 不反其真者未之有也 也大道甚夷而放心自得通也熏分有數而少謝多 未始有常貴賤往及宣異是哉施者仁之用謝之則 南上東亞馬海生於文

金行四人全書 電行也若以貴賤是非自來則與道相違施則有多 **属齊云以道觀之而無貴賤及而求之吾身綽綽然** 時爾固將自化何容心於為不為之間哉 我則無短長忘心則無生死忌位則無盈虚忘年則 無時不生無時不化其變如驟其移如馳陰陽爾四 任化忘時則任遷忘消息盈虚則熟為之終始夫物 扶真之而兼懷之德丧矣己上皆解貴樂賤之義忘 福私則不久長有畛域則不溥汎有方所則有承接 奏五十三

萬物皆備於我是兼懷也無所私愛其孰承異拱扶 為主而無所用其私此心廣大無所窮極則無町畦 無古今則年不可舉無去來則時不可止大義即道 施則與道參差矣國之有君祭之有社諭此心以道 之耶無方即無心無心則無短長無生死不恃其成 也變動轉移無時不然何者為何者不為皆聽造化 即不难成也盈虚隨時不可一定故曰不位乎其形 少謝去其施則無多無少若執一而行拘於多少少 南等一、理養海原数 5

金世世月全書 自然而已故曰夫固將自化 為問海若告以世間所謂貴賤少多是其一反一 方而兼懷萬物也物之死生乃形化之一變非道 之於民德無不被社之於人福無所私明道之無 之始終也故成無常處不以形為位而守之其去 行一謝一施耳岩狗志而一行與道參差矣若君 河伯未明天理物情則猶有所疑復以辭受取舍 不可止其來不可樂萬物盈虚之理如斯而已去 卷五十三

言察子安危寧於禍福謹於去就莫之能害也故曰天 熱水弗能溺寒暑弗能害禽獸弗能賊非謂其簿之也 河 在内人在外德在乎天知天人之行本乎天位乎得蹢 知理者必明於權明權者不以物害己至德者人弗能 伯曰然則何貴於道即北海若曰知道者必達於理 閒况辭受取舍乎此言應物貴乎無心則死生不 物生若馳其機不息任其自化無容為不為於其 足為累也

こううしょうと

į

南華真理義海縣激

놋

金好四下一年 馬四足是謂天絡馬首穿牛鼻是謂人故曰無以人滅 躅而屈伸反要而語極曰何謂天何謂人北海若曰牛 天無以改滅命無以德殉名謹守而弗失是謂反其真 郭註何貴於道以其自化知道者知其無能無能則 之情乘變應權不以物害已而常全也故心之所安則危 乎生成之後哉達斯理者必能遣過分之知遗益生 何能生我我自生耳四肢百體已不為而成何有意 不能危意無不適則苦不能苦雖心之所安亦不使 卷五 ት . Ξ .

皆非為也知天然之知自行故雖行於外而常本乎 莫之能害也天在内而天然之所順者在外內外之分 若乃走作過分驅馳失節天理減矣不因其自為而 天位乎得與會相應有斯變也知落天地事該萬物 敌為之者命其安在所得有常殉名則過也 天命固當也的當乎天命則寄之人事而本乎在天 而常不失其要極故天人之道全牛馬不解穿絡者 犯之知其不可逃安平命之所遇審去就之非己故

5/1. 17 mad /1.1.1.

9

南華真經義海集做

セ

金ケロでんなっこ 若告以達理明權不以物害己皆知道者之事而非 呂註住物自化即道也河伯不悟乃謂何貴於道海 體道極致至於水人不害寒暑不侵則體道者固以 矣知天人之行本乎天位乎得則出天而之人蹢躅 在外矣以是而入德雖未能天而不人而德在乎天 之則天在内矣察於去就則人之所畏不可不畏人 此也非謂其簿之言察中安危謹乎去就莫之能害 知道達理明權而已寧於禍福知其不可奈何而安

危謹去就而終於明天人反要極蓋能齊物則能全 疑獨註天同呂說 應物而不失其平庸詎以外傷內以物害己哉為道 祥道註知道者必達理達理者必明權雅者以無心 栭 而至此則能以天應人蹢躅而屈伸以人復天反要 至是謂反其真則其於道也豈特知之而已哉 而屈伸及要而語極則由人而之天也自無以人滅天 語極此海若之論始於齊小大同貴腹中於察安

父已日事心書

南華真輕義海藻微

德殉名也守天而不失還补而不偽矣 德者内守天理外修入事然後位業可得而進退出 處在我可以反要妙而語極致也牛馬天理也穿絡 **鬳齋云此問尤妙言既聽造化之所為則人亦不必** 故樂全而無傷察安危審禍福謹去就故也是以有 碧虚註知化化之道達生生之理者必能適物之權 之者以人滅天饑渴馳驟以故滅命黃馬驪牛則以 已全已則能復道而至於要極則反其真而已矣 老五十三 之自然天内人外即前篇主者天道臣者人道也德 學道矣朱文公問答書中廖德明亦有此問文公不 能害然亦不恃此以薄之猶知命者不立乎嚴璠之 重也薄謂迫近之至德之人固知事事有數豈物所 在我者有道之全體然後有此天用明於雅則知輕 害己一句明之道總言也理事物各有之理權用之 能答想難言也故莊子於此說菌權字又以不以物 下察安危謹去就便是道心中有人心何當皆說聽

Craft Links

南華貞經義海暴微

金ケロノー 知天知人能謹守而勿失則天理全矣是謂及其真 命狗名則人心流於危矣三言無以乃禁止之辭既 明至此道之至要理之至極也牛馬四足得於自然 居蹢躅而屈伸謂進退各循其理此句又屬人心發 起本乎自然而安於所得此句又屬道心位指安也 在乎天言自然之德知天人之行此知字從人心上 故人事命天理也 不絡不穿將無所用此便是人心一段事至滅天滅

アン・アー ここ 萬頃一碧涵天人之息偽還真中高虚湛者有類 自篇首至此凡六問答如風驅遠浪漸近漸激至 合乎神而無方不測者也體天居德則屈伸從世 危謹去就物孰能害之然亦未嘗恃此而傲物也 於此夫至德之士由人以明天因權以達理察安 是而雪濤喷簿使人應接不暇須臾澄靜則波光 天在內所以立體人在外所以應用德在乎天則 反要語極則勿失其真若然則處已處人之道盡 南華一八四茂每東九

金行四库全上 **南華真經義海纂微卷五十三** 言下豁然有省如雲開月見則昭昭靈靈永諸已 不及羣疑室心與河伯同病者不少價能於海若 矣故河伯心宜體會而無所復問焉今學者自信 而足何服他問哉位乎得當是德詳文義可見 卷五十三

變憐蛇眩憐蛇蛇憐風風憐目目憐心變謂蚊曰吾以 欽定四庫全書 不然子不見夫睡者平噴則大者如珠小者如霧雜而 下者不可勝數也今予動吾天機而不知其所以然起 足跨踔而行予無如矣今子之使萬足獨柰何蛇日 南華真經義海纂微卷五十四 秋水第四 「り」は、一大ない、マルンです。 ブレナ 宋 褚伯秀 撰

一好定匹庫全書 齊而行則有似也今子蓬蓬然起於北海蓬蓬然入於 者唯聖人能之 **畫大屋者唯我能也故以泉小不勝為大勝也為天勝** 南海而似無有何也風曰然子遙遙然起於孔海而入 謂蛇曰吾以衆足行而不及子之無足何也蛇曰夫天 於南海也然而指我則勝踏我亦勝我雖然夫折大木 機之所動何可易即吾安用足哉蛇謂風曰予動吾脊 郭註物之生也非知生而生生之行也豈知行而行 卷五十四

與爭斯小不勝也來萬物街羣才使才各自得物各 我也而或者欲有其身矜其能所以送天機而傷神 免然而自得矣遲速之節聰明之鑒或能或否皆非 哉故足不知所以行目不知所以見心不知所以知! 呂註變以一足憐眩之多足眩以多足憐蛇之無足 自為而天下莫不逍遥此乃聖人所以為大勝也 無為而任其自動故無動而不逍遥恣其天機無所 器至人知天機之不可易也故捐聰明棄知應魄然

欽定匹庫全書 蛇以動其脊骨而憐風之蓬蓬然起於孔海而入於 南海也則目之擊此見彼而憐心之無所見而無往 出於自然若河伯之區區計夫貴賤少多何足以與 易豈在於多少有無之間哉由是知風目與心莫不 於風也遠矣乃不能得所謂無見無知而能見見知 此夫風以小不勝為大勝而人之目與心之用其神 足為易憐蛇無足之難天機所動莫知其然則其難 不至可知也發以一足為易憐眩多足之難眩以多 卷五十四 無足之行疾與夫行安用足者亦天機而已風之起 豈期於如珠如霧皆出於天機自然則衆足之行建 所役憐心之處中而無為也跨與行危貌如睡之噴 而憐風能動化風以無見而憐目之有見目以為物 少憐多也以行遲憐行疾多憐無也蛇以有形為累 疑獨註變一足而危輕萬足而安蛇無足而疾風無 形而動化目著色相心入觸法者也以一足憐萬足 知者以制萬物之大勝豈真知也哉

欽定匹庫全書 皆不能勝及其折木蜚屋則能勝矣喻聖人之學至 盖有心有目然後有所憐目覩於外心動於內所以 於如風則無以復加自變之一足相憐至風則已矣 於北海入於南海出於陰而歸於陽也為人所指猶 祥道註以足為用則一足不如萬足之多故變憐較 所憐矣非聖人熟能與於此 以足為累則萬足不如無足之愈敌眩憐蛇蛇有有 以此慕被而無窮至於無心無目如風之於物則無 老五十四

矣觀無有為不足故憐風風蓬蓬矣以有方為不適 然強勢不能奪至理莫能完其變眩蛇風相憐之謂 碧虛註物有以少勝多以無勝有者皆天機時命使 鬳齋云自一足說到無足皆天機自然之動可謂奇 敏見莫如目知莫如心目見而弗辨者 為其明也心 也 故憐目目之為用司視而己心則無所不司故憐心 知而弗言者韜其智也此以小不勝而為大勝者也 上門上十一七里を支持方、八段

敏定匹库全書 說箇小不勝為大勝則萬物熟能出於造化之外哉 與目却不說此文字變換奇之又奇者也就風上又 文中間又以人睡喻蛇之多足其末歸之於風而心 襲 此此以足之少多有無相憐是者於體也心與 目之以内外勞逸相憐是著於用也皆物之妄情 河伯海若問答既畢南華又自立說以行前意云 用則動化萬物無用則遙逢入海蓋造化噓吸復 耳唯風則有體而不礙指踏無體而不成大勝有

哉天機所動自然而然視彼河伯海若貴賤少多 為大勝則不止乎拔木雖屋而已宣有心於勝物 歸於造化而己喻聖人屈伸從世體用兼資出處 此聖人處世所以無往而不適也或疑後文細述 之少多行止之遲速各安其自然則莫不足乎道 物物皆具自然之理無容憎爱於其間也夫形數 大小精粗之論亦如異類之以妄情相憐而不悟 两全終不失道人見其小不勝而輕易之及積而 的每一十五一文在於之

新定匹库全書 之勇也白刃交於前視死若生者烈士之勇也知窮之 水行不避蛟龍者漁父之勇也陸行不避兕虎者獵夫 知得也當禁約而天下無通人非知失也時勢適然夫 命也求通久矣而不得時也當堯舜而天下無窮人 何夫子之娱也孔子曰來吾語汝我諱窮久矣而不免 孔子遊於匡宋人圍之數匝而弦歌不輟子路入見日 獨結以有心有目然後有所憐其說得之 相憐之義至風而止憐目憐心之旨遺而不論疑 卷五十四 非

矣吾命有所制矣無幾何將甲者進醉曰以為陽虎也 故圍之今非也請解而退 有命知通之有時臨大難而不懼者聖人之勇也由處 勞心於窮通之間夫漁父雅夫烈士之勇各有所安 聖人則無不安也知命非己制故無所用其心安於 郭註將明時命之固當故寄之求諱時勢適然無為 呂註孔子之畏匡安於死生之際而不懼卒之以匡 命者無往而非逍遥也

とこりしたい

南華頭經義海幕微

소

金りアンルノー 嘗以窮通為累各安其時而已夫不避較龍兕虎白 徒無益適足以累其心而已 疑獨註窮通在已時命在天求通不得則易處諱窮 也兼三者而有之孟子之勇於義可以與此其如子 刃者一偏之小勇若臨大難而不懼此聖人之大勇 不免則難處猶語云富而無驕貧而無怨也古人未 人請退者明夫不能去知與故而以死生為憂者非 何未幾將甲者解而退以是知至於命者不生不死

懼焉中間以漁父獵夫烈士比聖人亦自有理由處 **鬳齊云此段言時命自然非人力所與知道者又何** 其知非請辭而退所謂大勝者也 碧虚註孔子遊匡宋人圍之所謂指贈皆勝我也及 矣今其止息不必言也 孔子盡之 此章明死生有命窮通有時故君子不立嚴牆之 下亦不求生以害仁臨大難而不懼知命有所制

St. 10 ... 1 /. 1 ... 1

南華真經義海暴傲

金の口と人言 行合同異離堅白然不然可不可困百家之知窮眾口 之辯吾自以為至達己今吾聞莊子之言活爲異之不 公孫龍問於魏年曰龍少學先王之道長而明仁義之 使將甲者知非請離而退有以見人不勝天而以 與此陸氏音義載司馬舊註云宋當 弱制强之驗也非聖人燭理之徹自知之明何以 至貴至富者則外之窮通利害不足以動其心卒 則盡人事於平日安天命於此時而已蓋內得其 卷五十四

未入而右膝已繁矣於是逡巡而却告之海曰夫十里 平缺業之崖赴水則接腋持順蹶泥則没足滅附還虾 之遠不足以舉其天千仞之高不足以極其深禹之時 蟹與科斗莫吾能若也且夫擅一壑之水而跨時招井 **畫乎謂東海之鼈日吾樂與吾跳梁乎井幹之上入休** 方公子年隱机太息仰天而笑曰子獨不聞夫昭井之 知論之不及與知之弗若與今吾無所開吾喙敢問其)樂此亦至矣夫子奚不時來入觀乎東海之鼈左足

左二日三二十

南華真經義海禁微

金りしたノニ 黄泉而登天皇無南無北爽然四解淪於不測無東無 西 之言而自適一時之利者是非珀井之龍與且彼方跳 **致員山商 睡即河也必不勝住矣且夫知不知論極妙** 加 十年九潦而水弗為加益湯之時八年七旱而崖不為 且夫知不知是非之境而猶欲觀於莊子之言是猶使 大樂也於是珀井之睡聞之適適然驚規規然自失也 始於玄真及於大通子乃規規然而求之以察索之 損夫不為頃久雅移不以多少進退者此亦東海之 卷五十四

失其敌行矣且匍匐而歸耳今子不去將忘子之故失 以辯是真用管窺天用錐指地也不亦小乎子往矣且 子之業公孫龍口去而不合舌舉而不下乃逸而走 子獨不聞夫壽陵餘子之學行於邯鄲與未得國能又 然也以小羨大改自失物各有分不可强相希效站 郭註擅一壑之水而跨時招井之樂小鳥之自足於 於玄耳反於大通言其無所不至夫遊無窮者非辯 於蓬蒿左足未入右膝已繁明大之不遊於小非樂

欠日到 111

南華真經義海篡数

金ケロアノー 察所得非其任者去之可也以此效被两失之矣 也黄泉六極之下太皇太極之上無南無北頭然四 呂註是非之境言其所自起得於是非之所自起是 而要言之所謂六通四關形充空虛是已此意之所 始於玄真反手大通則會乎冲和出神而遂於明也 解淪於下測忘乎幽明無方而入於神也無東無西 以視竟桀為一而知不知此觀之汪然無所容其蒙 不能盡言之所不能論也而規規然求之以察索之 卷五十四


岩此豈察辯所能得哉壽陵熊邑邯鄲趙郡餘子弱 始於女真則寂然不動及於大通則感而遂通其妙 疑獨註公孫龍困百家之知窮衆口之辯今聞莊子 乎地之深爽然四解顯諸仁也淪於不測藏諸用也 故為而自失也夫其知不能知是非之境論極妙之 言無異於井畦耳而莊子之方上過乎天之高下極 之言注然若失而心異之公子年引井蛙海鼈之喻 以辯是用管窺天用錐畫地之類也

南北下、里以、舟大大人

金少巴人 將命海監也海大敌水旱不能損益人之達道者龍 碧虚註野人以負日之暖而欲獻之至尊猶井蛙之 量而學莊子非唯不能莊子之道終必失其舊業矣 學之不得趙國之能而反失故步此鄙公孫龍不自 辱豈能忻戚哉寓言以是非為主舍是非而明寓言 **齡之子聞趙郡其俗善行遂不遠十里舍已能而强** 之策也且莊子者方躡沈溺已超象外隱神化東西 知輕重者即時利宗乎極致夸時利者未聞久長 卷五十四

察之明窮之以言辯不亦小乎邯鄲失行之喻尤佳 属齊云九年之水七年之早信然人類盡矣莊子添 始於玄冥在無極之先反於大通歸於至道也以察 言其見趣高遠奭同釋解達也淪於不測所入者深 作十年九添八年七早便自别下蹈黃泉上登于天 知志真注然丧道矣 以察是用管窺天之類是故學行失步匍匐而歸學 俱忘爰自寥天復乎原本若乃以規法之言而求之 南年 一至 吃年來致

金定匹戶全書 異壽陵餘子學行於邯鄲直匍匐而歸耳餘子猶 泉頭然四達始於玄真契虚合無也反於大通與 真者其患常者此故魏年告以升電海鼈所見不 道為一也今徒以區區口辯而欲窮莊子之道無 同使知是非之所起妙論之所存斯可以登天徹 口及聞莊子之言而之然失措盖逐外學而忘本 云孺子也 公孫龍趙之辯士能合同異離堅白困百家窮眾 卷五十四



南華真經義海纂微卷五十四

安定四庫

南華真經義海藻機卷五十五至

檢討臣何思鈞覆勘 詳校官監察御史臣 印庭樹

校對官學正臣李 嚴 總校官庶古士臣倉聖脉 腾蘇舉人臣李元位

たいりにしかける 子寧其生而見尾於塗中平二大夫曰寧生而曳尾於 秋光第五 STATE OF THE PROPERTY OF THE PARTY OF が教育等を 南華真輕義海集做 上 通者軍其死為留骨而貴 聞楚有神龜死已三十歲矣 人往先焉曰願以境內 褚伯秀 撰

金りたんとって 塗中莊子曰往矣吾將曳尾於塗中 碧虛註是知軒冕外物非性命之有也 身處富貴而殘其生也 郭註寧生而曳尾塗中性各有所安也 **鬳齋云死留骨生史尾之喻真是奇特** 疑獨註莊子引神龜之事以辭楚王之聘蓋不願以 而忘生唯二天夫之知足以與此 呂註莊子不知有死者也而云此者以救時之趨利 卷五十五

惠子相梁莊子往見之或謂惠子曰莊子來欲代子相 於是惠子恐搜於國中三日三夜莊子往見之日南方 アン・コーシー 有鳥其名端鷄子知之乎夫端鷄發於南海而飛於孔 非梧桐不止非練實不食非體泉不飲於是臨得腐 窘於鞭繩一優游於水草亦此意 龜能靈於人也昔陶隱居畫二犍牛以答部 國排難圖治實有賴馬而功成患集身或不免猶 莊子群名以神龜為喻義甚真功盖賢才之士為 南一年但麦好了以及 枸

金片四月生 我即 鼠鷄鷄過之仰而視之曰嚇今子欲以子之梁國而嚇 郭註搜於國中揚兵整旅欲以子之梁國而嚇我言 物嗜好不同願各有極也 疑獨註鷓鶲鳳屬其趨向大棲必擇木食必擇果飲 比於神龜鷄鶲而以惠子為鴟粱國為腐鼠不亦可 呂註莊子之所踐如魏年之言則無所忤者也其自

機耳練實竹實也 碧虚註惠子恐而搜於國中是謂親權者不能與人 **鬳齊云莊子惠子最相厚善此事未必有之戲以相** 柄以富顯自驕何異鴻據腐鼠而嚇即 必擇水盖賣禽也為者穢惡之鳥嚇者非物之聲 疑獨因之義頗淺近蓋本於偏旁之誤鳩得腐鼠 搜應作搜郭註可證成疏謂搜索國中尋訪莊子 而嚇鵵鷄又何足與語練實體泉之味碧格高潔 南上八里支海家教 =

金灰巴产 安知魚樂云者既已知吾知之而問我我知之豪上也 魚樂也惠子日子非魚安知魚之樂莊子日子非我安 魚也子之不知魚之樂全矣莊子日請循其本子曰汝 知我不知魚之樂惠子曰我非子固不知子矣子固非 莊子與惠子遊於豪梁之上莊子曰條魚出遊從容是 郭註莊子謂子非我尚可以知我之非魚則我非魚 亦可以知魚之樂惠子舍其本言而給便以難尋惠 之棲哉

我而固已知我不知魚之樂則我非魚而能知魚之 矣而方復問我我正知之於豪上耳豈侍入水哉夫 魚樂者是知我之非魚則凡相知者果可以此知被 呂註循其本則惠子謂子非魚安知魚之樂是子非 業故以陸生之所安知水生之所樂未足稱妙耳 物之所生而安者天地不能易其處陰陽不能回其 不持是魚然後知魚也循汝安知之云己知吾所知 子本言非魚則無緣相知耳今子非我而云汝安知

というる とい

南華蘇題是海原教

金りないんだる 樂矣是既已知吾知之而問我也我則知之家上而 疑獨註魚藏於深眇而自得經曰於魚得計盖深知 惠子昧此而强辯是非所以分也莊子請循其本欲 於魚而取之也人生於陸而安於陸魚生於水而安 其由恕以觀之終日我知之豪上也以我在豪上之 於水盡已之性而後能盡物之性此所以知魚之樂 樂雅之則知魚之樂矣 已不持為魚而後知也 卷五十五

貴賤則天地為久矣而與我並生萬物為衆矣而與 碧虚註在我逍遥則見魚之容與惠子以人魚為異 我為一是以處此足以知在彼之趣居顯足以知潛 樂莊子以性觀性故已非魚而知魚之情益捐小大遺 與我無異性惠子以形觀形故云子非魚安知魚之 者之樂也 祥道註以迹觀之萬物與我無同形以理觀之萬物 故與難辭是失齊物之旨惠不知莊事固然矣莊不 南生一一座 及海南教教

金定四月全世 樂是汝知我方有此問汝既如此知我我於豪上亦 平濠上耳盖謂魚樂與人樂雖異其於逍遙一也 鬳齊云循本者反其初言汝初問我非魚安知魚之 撞着這僧又敢頑黏住了問謂其家法大門戶大波 知魚而問莊也是以鯈魚游泳從容者唯莊知其樂 知魚理宣然哉尋惠子本問安知魚樂之句是惠不 無情說法無心成佛問答同看大慧云這老子軟頑 如此知魚也此篇河伯海若問答與傳燈錄忠國師 卷五十五

瀾闊命根斷這數語莊子却當得 樂在道而不在水南華所知在樂而不在魚魚忘於 **暑之患無濡沫之思從容乎一水之間者將以是為** 莊子所以知魚樂於豪上也夫出而揚游而永無網 李士表論云物莫不具乎道則於我也何擇性莫不 魚樂乎以是為魚樂又奚待南華而後知蓋魚之所 知而知妙理嘿會神者受之有不能逃於其先者此 足乎天則於我也何有雖契物我之如此蓋有不期

久下一日事人生

Ī

南華員經義海藻微

<u>六</u>

たました イツ 樂我將自有其我則子固非我安知我不知魚之樂 為两者之般耳物將自有其物則莊固非魚安知魚 者昔人嘗言之矣眼如耳耳如鼻鼻如口在我者盖 知與不知皆道之末此所以請復其本本未皆不知 託非言則道妙無以見直將祛天下後世離物與我 言惠子亦將無問而復有是論者非問則至言無所 水故其樂全人忘於魚故其知一莊子於此蓋將無 如是也視生如死視已如魚視豕如人視人如豕在 卷五十五

たこうしたま 物者盖如是也若然則在在皆至遊而無非妙處物 吾知莊之與魚未始有分也唯明至樂無樂真知無 物皆真樂而無非天和奚獨豪梁之上儵魚之樂哉 知者可以語此 惠子不知莊以形間之也縣讀此章莫不喜惠子 以知人故在物多滯迹莊子之知魚以性會之也 明己性者可以通物故天下無適情昧己性者無 雄辯視南華之壘若不足攻暨聞循本一言而 南華真經義海纂徵

金りせんべき 是篇以秋水命題設河伯海若問答喻細大精粗之 **旨今凝名循本章庶協經意** 哉再詳經文謂莊子不知魚之樂全矣全猶必也 間 往力致惠子之失未有若此二字之切至者蓋使 之反求而得其本性通字物理之同然則彼我無 又全然不知魚樂之意碧虛以樂全名章似失本 五車之學無所容喙則惠子之本可知矣經中往 於人情動段皆歸於至理奚待入水而後知魚 卷五 十五

察所可及也次論變睡此風之相憐喻人以才知短 時適然耳翻覆辯難卒歸於無以人滅天無以改滅 理明道物功趣之觀各本自然無貴無賤成敗得失 長為愧街而弗悟天機之不可易小不勝之為天勝 所慕故企美之情息分别之意消斯為要極也數孔 也信明此理則物各足其分何所憐哉無所憐 命則求之性分之内而足是謂反其真有非言論意 子遊匡而臨難不懼知命由造物非匡人所得制也 一一年一里一里一大大 則無

一欽定匹庫全書 益也至論神龜寧史尾於塗中鴻雜豈留情於腐鼠 若為横逆沮屈何以見聖人之勇并酯海鼈即前河 其樂被與此同即人之所安而知魚之樂固無足怪 言物我之性本同以形間而不相知耳會之以性則 皆歎時之澆薄傷道之不行也終以莊惠豪梁之論 行反失改步蓋以所短而希所長越分而求非徒無 獨所見隘随雖知有聖賢在前强欲企美猶餘子學 伯海岩之義而歸於達理明權物莫能害謂世俗沈

娱妹自怕者無異河伯之自多於水也故以結當篇 獨鍼惠子之膏肓亦所以警世之學一先生之言而 而競言辯之未忘性命之本者斯為可怪矣此語非 之音云 南一年里一年 不

南華真經義海暴微卷五十五			彰定四库全書
義海			
暴			
微卷			表 五 · · · · · · · · · · · · · · · · · ·
五十			五
五			

· 文色写真 · · · · · · 貴壽善也所樂者身安厚味美服好色音聲也所下者 據奚避奚處奚就奚去奚樂奚惡夫天下之所尊者富 欽定四庫全書 貧賤天惡也所苦者身不得安逸口不得厚味形不得 天下有至樂無有哉有可以活身者無有哉今奚爲奚 南華真經義海纂微卷五十六 至樂第一 南華具經義海藻微 褚伯秀 撰

金ケモノノニ 夫子骨爭之以殘其形不爭名亦不成誠有善無有哉 身吾未知善之誠善邪誠不善邪若以為善矣不足活 其為形也亦外矣貴者夜以繼日思慮善否其為形也 身以為不善矣足以活人故曰忠諫不聽蹲循勿爭故 苦也其為形也亦遠矣烈士為天下見善矣未足以活 亦疏矣人之生也與憂俱生壽者惛惛久憂不死何之 美服目不得好色耳不得音聲若不得者則大憂以懼 其為形也亦愚哉富者苦身疾作多積財而不得盡用 卷五十六

舉無譽天下是非果未可定也雖然無為可以定是非 皆曰樂者吾未之樂也亦未之不樂也果有樂無有哉 無為以之寧故两無為相合萬物皆化圣乎易乎而無 從出乎易乎至乎而無有象乎萬物職職皆從無為殖 至樂活身唯無為幾存請嘗試言之天無為以之清地 吾以無為誠樂矣又俗之所大苦也故曰至樂無樂至 邪吾觀夫俗之所樂舉羣趣者經經然如將不得已而 今俗之所為與其所樂吾又未知樂之果樂邪果不樂

大四里好

南華真經義海集微

金ケーノ 故曰天地無為也而無不為也人也孰能得無為哉 避處等八者莫足以活身唯無擇而住其所遇乃全 郭象註忘散而後樂足樂足而後身存以為有樂形 自得於身中而已夫遗生然後能忘憂忘憂而後生 以不得為憂故愚也內其形者知足而已親其形者 耳凡厚味聲色失之無傷於形得之有損於性今反 而至樂無數以為無樂邪身已存而無憂釋此為據 可樂生可樂而後形是我有富是我物貴是我榮也 卷五十六

欠心日草 ないる 勿爭唯中庸之德為然有善無善當縁督以為經舉 自出耳無有為之象皆自殖耳人得無為則無樂而 物皆化有意乎為之則有時而滯也無從出之者皆 定則吾身近乎存譬夫天地自清寧非為之所得故 天下是非果未定也無為而任之是非自定矣百姓! 耳夫無為之樂無憂而已俗以鏗鏘為樂美善為譽 羣趣其所樂乃不避 死吾未之樂不樂無懷而恣物 烈士見善矣未足以活身善則過當敌不周濟蹲循 南華與經義海藻微

金りしんご 樂至矣 富贵壽善所下者貧賤天惡又以身安厚味美服聲 據但因時順理無心於其間者至矣夫天下所尊者 林疑獨註無樂則不憂無身則不死求其至樂而不 憂活身而不死者無有也然則何為何據何避何處 呂惠鄉註略而不論 何就何去何樂何惡雖然亦奚為奚不為奚據奚不 色為樂求而不得則為苦而憂懼以此養形亦愚牟

富者界於財貴者界於位身愈壽而憂愈長益遠於 亦不成是誠有善邪無有邪今世俗之所為非正為 性命之理矣烈士志身而徇名若以為不善又足以 樂於有為聖人樂於無為無為誠樂矣而世俗以為 能盡樂吾未知世俗之所樂果樂邪果不樂邪世俗 所樂非真樂正為無為所以能有為真樂無樂所以 不聽蹲循而勿爭若子胥好爭反害其身然不爭名 活人必活人而不失身斯為盡善故古之人忠諫而

大三可具小馬

南華頂經義海暴做

金二人 人一 大苦而不能行也故至樂者無樂至譽者無譽夫是 陳碧虛註光係為據等八目則其樂未必至其身未 為者天地之道人位天地之中豈得無為哉 見也職職言各有所主皆出入於無為無為而無不 物入而為象無從出不知從何出無有象不可得而 非時於清寧故两無為相合萬物皆化道出而為物 而非樂身何往而不存哉清寧者天地之德而天地 非起於有為唯無為則是非自定無是無非心何適 卷五十六

善敌也是皆知善之為善斯不善己善名不可必必 在全生而已俗之所為所樂奔競經經然如將不得 相合澹然而眾美從之上下有為而不交則和氣否 也若乃自守分内性真不移可以定是非矣两無為 已是以塵妄為樂而以無樂無譽為苦是非果未定 疲役久生奚榮烈士敢為而身不免者以為天下見 以不得而憂懼非愚而何金玉軒冕比形疏矣請然 必生天下之所尊所樂者皆外物來寄不可必也今

一一一一一一一一一一 者說前三段了後以烈士一段如此發明變換語勢 林氏属癬口義云奚爲奚據以下四句與屈原下居 多前識不能無心安得無為哉 塞矣朕兆之初本無出入形象之迹然萬物皆自一 此文法也蹲循即逡巡爭則殘其形不爭名不成此 文勢一同次叙富貴壽善四段本同意皆以物害已 氣器易而來所謂造化者無物而有物造化之也人 两句說破世故為名而至於殘形不得謂之善矣舉 老五十六

世羣趣輕謹然必取之意我以無為樂而俗反以為 大苦則樂譽是非果未定也唯無為可以定之耳 機莫測美善不可常有所下所苦者貧賤夫惡所 哉天下所樂者當貴壽善厚味聲色也而倚伏之 安其素分無所為據去就於其間則亦奚樂奚惡 褚氏管見云人處幻境之中難遂者樂難保者生 **汞不得也而能遊字物初則已猶可忘何外累之** 故是篇首數至樂活身之不可必得而兼有使人 南 真里是每下公数

金定四度全 壽者之久憂不死皆躁外其形去道遠矣烈士之 争以發形亦因以成名誠有善邪無有邪觀俗之 能及今觀夫富者之苦身疾作貴者之思慮善否 為大岩則其向背可知故必知至樂之無樂至譽 所樂果樂邪不樂邪吾以無為誠樂矣而世俗以 則君無過舉臣得盡職君臣之盛也若夫子胥因 不足活身亦猶是也故忠諫勿爭徐有以故悟之 之無譽者然後安於無為始可以定天下之是非 卷五十六

- No. 1 7.31 雜中坐易之間變而有氣氣變而有形形變而有生今 本無生非徒無生也而本無形非徒無形也而本無氣 莊子曰不然是其始死也我獨何能無疑然察其始而 人居長子老身死不哭亦足矣又鼓盆而歌不亦甚乎 又變而之死是相與為春秋冬夏四時行也人且偃然 莊子妻死惠子男之莊子方漢路鼓盆而歌惠子 日與 清寧故萬物皆化人而能無為物惡得不化哉 矣夫欲求至樂活身者唯無為近之天地無為而 南华气理美母秦数 ٤

金佐匹佐人生 止也 寝於巨室而我歌歌然隨而哭之自以為不通乎命故 於哀樂之邪而滅其天理故殺之之道為若此 若子桑子反子琴張之徒何也蓋人道之弊天下沈 疑獨註莊子襲諸人間不能忘人道故妻死則鼓盆 呂註莊子之所貴則孔子孟孫才顏氏而其制行則 郭註未明而緊既達而止斯所以誨有情者雅之至 理以遣累也 卷五十六

其朕也精鞠而為物斯有氣有氣斯有形有形斯有 生芒未有象陽之始也易未有數陰之始也陰陽之 無生無形無氣則果何自而有哉其於真空而莫得 中各有冲氣氣變而有形有以設飾之形變而有生 乎莊子答以其妻始死也宣得不聚然及察其本而 不久死而不哭亦見其無情矣又鼓盆而歌不亦甚 而歌見其情發乎聲也惠子謂子已長身已老不為 有生則有死死生相隨如環無端盖自無氣無形無

[2.]] L. C.L.

南非真經義海原影

金定四月人生言 碧虚註聞死感縣人之常情鼓盆而歌假物遣累也 本故止世慮也 今又化而歸無何異四時代謝而往來無迹雅求原 人何嘗不出入於室萬物何嘗不出入於天地哉 觀之則無變而有有變而無循四時之運相為無窮 生以觀之則萬物者真空而已自有形有氣有生以 人且偃然寝於巨室巨室指天地萬物譬室中之人 人本無生熟為形氣混乎宜漢之際相因而有此生 卷五十六

氏云動轉歸風便是此生字四時行者有生必有死 恐不近道大惠答云子死不哭是豺狼也此語極有 執中之訓李漢老因哭子而問大惠以為不能忘情 過當之舉便是道心惟微不可以獨行於世所以有 死生之理原壤莊子之徒欲指破人心之迷故為此 際全無人心乎聖門之學所以盡其孝慕者豈不知 之喻鼓盆之事亦寓言如原壤登木而歌豈親死之 **鬳癬云形變而有生言先有形而後有此動轉者釋**

とこりこところ ■ 南華真經義海藻散

金ラロ匠 見識者其他學佛者答此問必墮偏見 氣有形形生而情識愛樂無所不有至若親烟情 病憫凡迷方便開喻謂天下之物生於有有歸於 然何也盖究其形氣之始悉本於無雜乎兴易有 **莊子妻死章以世情觀之人所難忘者而處之泰** 無此自然之理金石有瓊况於人乎預以毒眼覷 貪滋長業緣生死纏縛害形損性一何愚哉真人 好假合須臾耳惡者認以為實緣情生爱因爱生

吳者其子死而不哭人問其故曰吾嘗無子無子 也宜矣 易悲為喜則亦不免於偏見耳列子載魏有東門 天觀所以異於俗也然則外物之價來不足介 之時不憂今子死與向無子同吾何憂焉此達人 之物所以矯流俗哀號痛泣過用其情之弊若云 無容憂喜於其間而又鼓盆而歌者寄聲於無情 破世間使無一毫障礙青天白日萬古靈靈固已 南縣旗座義海縣戰 1

金好四十一个 惡焉 塵站也死生為晝夜且吾與子觀化而化及我我又何 之乎滑介叔曰亡子何惡生者假借也假之而生生者 支離叔與滑介叔觀於真伯之丘崐喻之墟黃帝之所 休俄而柳生其左肘其意蹙蹙然惡之支離叔曰子惡 情故能無憂則夫有情者遂自絕於遠曠之城而迷 郭註斯皆先示有情然後尋至理以遭之若云我無 聚字說之不通當是既然數也是易宜讀同恍惚 巻五十六

死 三四車全書 驚而惡之終知其生之為假借塵垢又何惡焉古之 肘陰陽之變也夫生者造物之假借皆塵垢粃糠何 呂註黃帝之所休則心死形發如土壤而不覺柳之 困於憂樂之境矣 足爱惡易日通乎畫夜之道而知明此理也今觀於 疑獨註黃帝之所休大道也柳陰木左陽肘柳生左 所謂觀化者其道蓋如此 生其肘也柳者易生之物以滑介為事則其初未免 Ų 南華與經萬海察微

碧虚註二人或以支幹離散為善或以滑稽介獨為 陰陽之變化而化及我又何惡即 善觀化空於宜宴之丘峻極之墟而柳發其时左取 有生乃常生忽化乃常化以常生觀常化則知常生 属獨云黃帝之所体謂常休息於此柳寫也今人謂 不真常化不空空化相通於理何惠哉 况之死為昏夜也是故生生者不生化化者不化今 生義夫生者化空之假借於空論之生為塵垢長景

我隨造物而變也前言愛愛然惡之亦人情也思死 生之理而知其本原便是道心為主又何惡馬 釋氏所謂四緣假合是也觀物之變化而化及我言 生鄰也想古時有此名字假借喻外物塵垢言至微 按柳生左肘其語頗怪諸解略而不論獨呂註及 用之臂臂罕用而木易生喻無心無為者之速化 也夫肘動物也柳植物也動植異性形質亦殊動 之偶得管見廣而為說云柳者易生之木左肘罕

烫定四車全書

(

南華真經義海察微

愛惡哉由是知萬物與我同一化機然非靜極無 者俄化為植在常情不能無怪然物受化而不自 帝王德主静体亦息靜之義靜者化之體動者化 假借塵垢則肘也柳也均為物耳何所容其親陳 知故處乎大治之中者例莫遍焉價悟吾生之為 之用觀化而化及與化俱者也身與化俱何往而 以見所以滑介叔觀於黃帝之所休而化及之黃 非我此言有情化為無情則無情者亦或化為有

變而不失大常當無適而非樂也 情至樂篇種有幾已下可見皆造物所化耳行小 うとは一大の田山東山東

金定匹存全事 南華真經義海纂微卷五十六

此乎將子有凍餒之患而為此乎將子之春秋故及此 夫子貪生失理而為此乎將子有亡國之事斧鉞之誅 欽定四庫全書 而為此乎將子有不善之行愧遺父母妻子之醜而為 莊子之楚見空觸骸聽然有形狼以馬捶因而問之曰 南華真經義海纂般卷五十七 至樂第二 والمدارات الملازكين المعاملين الدواه 宋 褚伯秀 撰

欽定匹庫全書 闡 者似辯王諸子所言皆生人之累也死則無此矣子欲 乎於是語卒援觸髏秋而卧夜半觸髏見夢曰子之談 吾安能棄南面王樂而復為人間之勞乎 反子父母妻子問里知識子欲之乎獨體深順愚額日 亦無四時之事從然以天地為春秋雖南面王樂不能 過也莊子不信曰吾使司命復生子形為子骨肉肌膚 郭註舊說云莊子樂死惡生若然何謂齊乎所謂齊 死之說乎莊子曰然髑髏曰死無君於上無臣於下 卷五十七 時安生死時安死生死安則陰陽變化所不能役無 疑獨註莊子寓言於觸體相答問以齊死生使人生 者生時安生死時安死生死之情既齊無當生而憂 死則南面王樂之說豈無為而言之乎 之貪生惡死者固非是樂死而惡生者亦豈所以為 呂註原始要終故知死生之說以其一體而已則世 死此莊子之旨也 體邪而莊子言此者以世人所病尤在於貪生惡

たいしまましたから

南華與經義海藻散

金ケトノノー 讀者尚求其意莫作實話看 **鬳癬云聽然虚而堅固從然從容自得諸子凡子所** 碧虛註好生者以世事為樂趣死者以人間為勞唯 言也此段說生死之理撰出髑髏一段說也是奇特 超生死者可以論其大聚矣 為當生而憂死當死而戀生也 髅所答則雖有世患何由及哉觀者往往於此反 南華致髑髏五問可謂灼見世情憂患之端據獨

くこうる しよう 彼所以益此其勢不得不然知生之有涯取温飽 論以矯之庶警悟其萬一猶良醫之因病施劑損 息丧失本來之我則此形雖存與死何異故立是 然以天地為春秋何往而非南面王樂邪陳碧虚 名此章為两緣所以破二見之感其論得之 疑其樂死惡生誤矣蓋見世人貪生惡死營營不 而止不多積以資業也知死之為息則委而順之 不忤化而增戚也如是則生而無勞死而無器從 南華真經義海暴微

金りじんノー 廟奏九韶以為樂具太牢以為膳鳥乃眩視憂悲不敢 子有言丘甚善之日褚小者不可以懷大便短者不可 顏淵東之齊孔子有憂色子貢下席而問曰小子敢問 且汝獨不聞犯昔者海鳥止於魯郊魯侯御而傷之於 神農之言彼將內求於已而不得不得則惑人感則死 回東之齊夫子有憂色何邪孔子曰善哉汝問昔者管 可損益吾恐回與齊侯言堯舜黃帝之道而重以燧人 汲深夫若是者以為命有所戒而形有所適也夫不 卷五十七

義設於適是之謂條達而福持 其好惡故異也故先聖不一其能不同其事名止於實 浮之江湖食之鮹觚隨行列而止委蛇而處彼唯人言 鳥養養烏也夫以鳥養養鳥者宜栖之深林遊之壇陸 野鳥聞之而飛獸聞之而走魚聞之而下入人卒聞之 之惡聞奚以夫競競為乎成池九韶之樂張之洞庭之 與還而觀之魚處水而生人處水而死彼必相與異 鬱不敢飲一盃三日而死此以已養養鳥也非以 刀声直、亚、史師正八致

金烷四人左書 實則無過實之名義設於適則無過施之義條達則 呂註 適故條達性常得故福持 隨其條之短長而不承通求通則不達矣福持則因 殊性此先聖之所以不一其能不同其事也名止於 固所不免是以屡及海鳥之說欲學者深思而慎出 郭註内求不得將求於外舍內求外非感而何實而 也衝城室穴之殊器千里捕鼠之殊枝夜明書暗 知不知是非之境而開莊子之言則財視憂悲 卷五十七

齊侯專性有定欲强教之則必有辱此夫子所以憂 疑獨註顏回適齊欲以三皇五帝之道教齊候不知 全生豈可得乎古之人有以直諫殺身者以此猶以 然而已彼將內求不得必求諸外而感生於心雖欲 短不可汲深以其禀於天命不可得而損益任其自 子貢所以有問也褚盛金囊便井索也小不可懷大 其分之小大而不過與過與則不持矣 九韶太牢鶴海鳥於廟而不知好惡之有異也是以 The object ATT ATTENDED THE TELL OF

多是四年全書 聖人任萬物之性故不一其能萬物各盡其能故不 韶猶齊侯之惑皇道也人有賢愚故莫能一事有古 質定分不可邊適其猶短便能引深海烏之驚九 碧虚註受命自然不可勸成其循小囊能能容大專 非義條達則無往而不通福持則無入而不自得也 而有義則名止於實者不為浮名義設於適者不為 同其事聖人無名因實而後有名聖人無義因適變 今故莫能同名實不越則有條而不塞義理適用則 卷五十七

得其理也條達者直截不費力福持者福常保持也 事各異隨其實之所有而得其名隨其意之所適而 失其性矣此意以是不可與言而與之言失言莊子 **<equation-block>高齊云命與形得於天各有一定之分不可損益以** 之意此借顏子以機當世遊說之士猶以人食養鳥 古人之道與齊侯言未能感動以化之則將有罪我 禍去而不危矣 行出一段說話贖讀演水中沙遭地也人才不同人

こう こここ

南華属經統海藻戲

金が正とうって 養養鳥之意使求其所通而合其性情則物我之 養皆得是以聖人不一其能順物性之自然也不 失其本性矣終於不飲食而死耳後又申言以鳥 損 褚小不可懷天喻命有所成而莫易綆短不可沒 太牢而不敢享聞韶樂而增憂悲此以已食養鳥 深喻形有所適而莫强是皆得之於造物無容益 心則感而無主反傷其形矣故繼以海爲之喻對 於其間今回與齊侯言先王之道将不與其素

とこうにことか 為陵為陵爲得鬱棲則為爲足鳥足之根為蠐螬其葉 得水則為幽得水土之際則為蛙嬪之衣生於陵屯則 汝知而未嘗死未嘗生也若果養乎予果歡乎種有幾 列子行食於道從見百歲髑髏捲運而指之曰唯予與 胡蝶胡蝶胥也化而為蟲生於竈下其狀者脫其名 持也 於適而不過此條理之所以暢達多福之所以扶 同其事度人事之可否也故名止於實而不浮義設 南華真經養海暴微

金グにたろうで 生乎腐雌年奚比乎不算久行生青寧青寧生程程生 斯彌斯獨為食醯順輅生平食醯黃帆生乎九献替为 為鴝殺鴝殺千日為鳥其名為乾餘骨乾餘骨之沫為 馬馬生人人又反入於機萬物皆出於機皆入於機 萬形有變化而無死生也 数不可勝計自得水則為盤至皆入於機言一氣而 郭註各以所遇為樂數養之實未有定在夫變化種 呂註遊魂為變無所不之則百歲關體何知也勢心

[7.7.7 5. 1.1.7. 或以根以葉而其變各不同鴝凝乾餘骨斯獨食醢 賓衣陵爲一種也或得水王之際或得陵屯而其生 養而畏於死乎予果數而院於生乎夫唯知遊魂之 各不同為足濟蜡胡蝶與陵屯亦一種也或得鬱複 **順輪與胥亦一種也或以竈下或以日久或以其沫** 無所不之而精氣之為物則其種果有幾邪故盤與 而至於無知則知其未嘗生未嘗死與之均矣汝果 而其生各不同黃帆之於九散替为之於腐雌羊 南華原經義海禁殿

金少巴人人言 情相生或以有情相生或以無情生有情或以有情 遇為安是知未嘗生未嘗死養者未必實養數者未 疑獨註列子在生而安生髑髏在死而安死各以所 必實歡也齒古絕字絕而復生有繼之意得水則為 生無情皆遊魂精氣之所為也凡列子所言則嘗閒 之於不算則不知其種之所自生也久行也青寧也 見而知之其所未嘗聞見者可勝道哉 程也亦一種也而馬與人有自而生也則物或以無 卷五十七

碧虚註予未常死也其生果歡樂子汝未當生也其 萬形萬形萬化而有不化者存歸於不化故所謂機 機者動靜之主出無入有散有反無靡不由之也 無是以聖人知生不長存死不永減一氣之變所適 生而反死生此死役相因無窮而形生之主未嘗暫 生化之物或一形數變或因形移易或死而更生或 盤萬物生化之始也次述蛙 之衣以至程馬人皆 死果順養中此欲極其不生不死之理也時列子適 万年一里包母秦天

金是四岸全書 草而根葉異類由氣有陰陽也盖物有相胥生者不 棲囊壤也烏足草生水邊俗呼墨草烏髭方用之一 科斗所出遺類於山阜之上變而為草名日陵爲藥 則 逢道邊有蛙因指以論化機蛙感火氣則為鶉得水 名車前草此有情入於無情猶山則化為百合也鬱 能飛其沫為斯彌之蟲此言小天之化相因無窮斯 可一縣論胡蝶就熱化為鴝殺初出形潔若脫千日 繼而生說文反劉為瞪遺類水涯者皆如衣乃 卷五十七

算之老竹比合两無情相交而生青寧形似刺蝟俗 鬳齋云生而飲食日養死而寂滅日數却如此倒說 雌醫也此乃無情化為有情猶朽麥之為胡蝶也腐 物感變難以致話也 程為類搜神記秦孝公時有馬生人蓋五運六氣觸 雌生羊奚即羊蹄菜有情復歸無情也羊奚與不生 獨為食聽已下明有情之物觸類而變務的爛草屬 云敗竹園多刺蝟是也尸子曰越人呼豹曰程或謂 南下尾理夷每果故 Ł

一致定匹库全書 整齊如看飛雲斷為愈看愈好鹽者水上初生苔而 尚腐雖皆蟲名謂萬物變化生生不窮也未後却把! 未成蛙曠之衣則已成苔附王著岸者陵屯田野高 此是弄奇處種有幾者言世間之物生種不同好以 至怪底結殺此是其務世駭俗處半異草名草似竹 胡蝶之别名此下說化生之蟲自鴝擬乾餘骨至務 處陵為車前草鬱棲糞壤為足之根為蠐螬其葉為 至微者論之大者亦無異於此而文字之妙不齊中 卷五千七

てこうえ こと 萬物之變如雀化為蛤鷹化為鸡腐草化為簽鼠化 草名如馬齒馬蘭之類人亦草名如人參人面子分 蝙蝠何所不有出機入機即是出生入死便是天傳 明用許多草名却把馬與人敌為此跪怪名字前後 不知其盡也 解者皆以為未詳是十萬世人為其愚弄看他不破 而不生算者曰不算久竹青寧蟲名程亦蟲也馬亦 此章自種有幾至馬生人詳見列子南華舉似差 南華眞經黃海蔡散

金定四五年 義亦然成法師疏乃從順略黃軟看两久竹為句 為白次九猷腐雖次羊奚至青寧為一白參諸音 略其文夫動植生化之理耳目不可偏及非格 恐非經意陳碧虛照張君房校本作斯彌為食廳 經文所戴雖未悉通姑以文義考之當從二聽字 君子不能盡知盖極論物類變化之不常以明人 食驗生乎願輅順輅生乎黃朝黃帆生乎九散九 世生死去來之不足怪但知有不化者存足矣按 卷五 十七 物

是篇名以至樂而首論有生為累憂苦多端以至避 處去就罔知所釋而莫得其所以活身之計何邪意 謂人能於憂苦中心生厭離勇猛思復則其樂將至 豹之白者曰類程是類之别名類又豹之别名也 比乎不箰久竹生青寧云云此則排句整齊第加 爾雅熊虎配其子豹山海經南山多貘豹部璞註 行太繁大無變體非南華文法也續考列子註引 献生乎替为替为生乎腐难腐雌生乎年奚羊奚

| 欽定四庫全書 事盛則有衰極則必變孤臣孽子操心也危處患也 倚伏所以舉世陷於哀樂之城而不能自出其能安 矣敌凡俗之所謂樂者未知其誠樂否形蓋天下之 深故達由是貧賤憂戚王女于成則禍福之機常相 之樂則其樂也豈世俗所可共語哉中叙觀化而化 也已次載鼓盆而歌髑髅之答皆以人所不樂為己 於性命之情乎故卒之於無樂無譽是為至譽至樂 及者肘變而無惡汞已而不得者聞樂而驚憂此言 卷五十七

機斗孰弛張是凡涉形器罔不由斯生死變化循環 獸生化之不常而斷之曰皆出於機皆入於機大我 無極若悅生而惡死或樂死而厭生皆滯于一偏而 順化則其樂皆同拂情則雖養非樂也終論人卉蟲 無際港兮若存斯為至樂也數 化所役不為機所運造夫大行虛一不用之妙泯然 非樂之至必也無樂無不樂無生無不生然後不為

南華真經				欽定四庫全書
義海藻				
南華真經義海藻微卷五十七				卷五十七南華旗紅素海集
			·	+=

來不能却其去不能止悲夫世之人以為養形足以存 之矣有生必先無離形形不離而生亡者有之矣生之 てこうること 之所無奈何養形必先之以物物有餘而形不養者有 達生之情者不務生之所無以為達命之情者不務知 欽定四庫全書 南華真經義海纂微卷五十八 達生第一 南華旗超義海察徽 宋 褚伯秀 襈

金りじんろう 散則成始形精不虧是調能移精而又精反以相天 生而養形果不足以存生則世奚足為哉雖不足為而 形全精復與天為一天地者萬物之父母也合則成體 事奚足棄生奚足遺棄事則形不勞遺生則精不虧矣 世則無累無累則正平正平則與彼更生更生則幾矣 不可不為者其為不免矣夫欲免為形者莫如棄世意 郭註生之所無以為者分外物也知之所無奈何者 命表事也知止其分物稱其生足矣有餘則傷也守 卷五十八

C. 13 13 /. 1.1. 成而與化俱還輔其自然也 命盡矣所以遺棄之無所偏為故能子萬物所在皆 在物之不足凡生亡者以其動之死地不皆在形之 奈何知所不能知也凡形不養者以其生生之厚不 至理中來不可免也更生日新之謂付之日新則性 召惠鄉註生之所無以為非所待而生也知之所無 形太甚故生亡知非我所制無為有懷於其間故養 之彌厚死地彌至若放而任之性分各自為者皆在 南華旗經義海暴殿

金げたんノー 離生由是知養形果不足以存生則世奚足為然不 其合則吾之所以成體天地網組萬物化醇是也其 全精復則德同於初矣萬物者禀精於天成形於地 於事而形勞生本不足遺不遺則役於生而精虧形 生得所謂更生者則幾存矣事本不足棄不棄則累 無累無累則正平正平則不以為形為事而與彼更 散則物之所以成始男女構精萬物化生是也合則 可不為者人安能免於為形邪欲免為形者有世而 卷五十八

Stalound Little : 奈何貧富壽天是也養形在乎物逐物無已必為形 累為生在乎形守形不離生亡者有之謂形雖存而 存生而果不足以存生然則世奚足為哉雖不足為 林疑獨註生之所無以為益生日祥是也知之所無 於天者及以相天則所謂存生者豈不妙哉 而其為不免欲免為形莫若棄世世者人與我同生 生理己亡也來不可却去不可止人以為養形足以 不虧散則能移不虧固精矣能移則又精以其所禀 南華真經義海暴散

金りしんと言 為有散而為無形全則明精全則神精而又精乃天 棄與遗也故形不勞而精不虧若然者與天為一與 陳碧虛註達生之情者任其富貴貧賤知富非强趣 命矣夫事奚足棄生奚足遺哉然其始亦莫不在乎 累無累則用心正平故能與彼更生生不窮則至於 下之至神故能以己之天相萬物之天也 化為友天地交而萬物生體則有形始則有氣合而 而不可去也大覺者以此為大夢大者既亡何物足 卷五十八

貴非強暴也達命之情任其賢愚通塞知賢非存學 通非力致也金玉潤屋而儉番不用神氣壯盛逐物 身非生英存則事美足棄生異足遺哉至於形全精 德業日新同被再生無幾乎道矣在世非事不立有 復與造化為一合則成羣物之體散則歸太無之先 為形之患其大於世緣亡緣則無累無累則不危而 死地矣理皆自爾雖不足為然有生之所未免也夫 而亡者莫不皆然悲夫世人之倒見唯外身者可無

えいりゅん!

南非真經義海藻微

金ケセアルクー 劉縣註生者我之有命者天所制達生之至者足以 於世世之有夫累常相經而不相離也且形非道也 則凡可己者皆不為也知之所無奈何而安之則凡 知天達命之至者未嘗忘人生之所無以為而己之 化雅移研妙不已歸輔其自然而己 也善達生者忘形故形全忘生故精復形精既壯與 世非我也而累在乎物耳以理觀之於斯三者累易 可安者無求於外也不求不為與道合矣然人之形 卷五千八

林氏属齋口義云生之所無以為者言身外之物却 盡雖不足為而不可不為即前云物莫足為而不可 遣也累可去則世於我也何有世可棄則我於形也 全形然物常有餘而形豈長存形雖能全而生者有 之所無奈何者人力所不及也養形必以物有生必 何羡不有於世不羡於形則達生達命也至矣 不可奪世非避世也處世無心感而後應迫而後動 不為也為與不為皆不免於自累欲免於累非棄世

南華原經義海蔡敬

與之無窮與造物俱化日新又新則身外之事與其 生者不持遺而自遺矣四大假合成體散則復初歸 則我自我世自世矣正平者心無高下決擇更生則 又精可以赞造化矣 無形精全則能變化是調能移也體道至此則精而 其生而益之物有餘而形不養矣不安其知而役 也夫子厄陳而弦歌知知之所無奈何也償不安 褚氏管見云許由高隱而辭禪知生之所無以為

蓋不明其所以養而養非其養也生不足為以其 為也不免以有世存馬耳故欲免為形莫如棄世 有世而遗之何界之有正平謂視物如一而與世 足以存生是知養之為養而養形果不足以存生 也其去不可止過養以傷之也世之人以為養形 之形不離而生亡矣生之來不能却善養以知之 俗之生道不同故曰更生更生則近於道矣事固 因養而亡然有不可不為者若機食渴飲之類其 **基五十八**

欽定四庫全書

歸於無也形全精復則能通化故潛天而天之地 由達生以造乎忘生之妙也為世為形義亦相類 而地在人為人遇物為物也精而又精謂純亦不 合則為萬物之體出而有也散則復還天地之始 天為一斯其極致數夫世間萬物皆專陰陽之氣 而形全精復則本於棄事遺生由粗以至精也與 已反以相天則歸乎受氣之初萬化所不能役此

不足奪我能轉物也生故不足遗我亦忘之也就

物之上而不慄請問何以至於此關尹曰是純氣之守 子列子問關尹子曰至人潛行不室蹈火不熟行乎萬 互其文耳

欽定四庫金書 一

物之所終始壹其性養其氣合其德以通手物之所造

由華原經義海藻微

而止焉彼将處乎不淫之度而藏乎無端之紀遊乎萬

之造字不形而止字無所化夫得是而窮之者物馬得

也物與物何以相遠夫奚足以至於先是色而已則物

非知巧果敢之列居予與汝凡有貌泉聲色者皆物

隆車雖疾不死骨節與人同而犯害與人異其神全也 德生開人者賊生不厭其天不忽於人民幾乎以其真 戮之刑者由此道也不開人之天而開天之天開天者 **恨心者不怨飄尾是以天下平均故無攻戰之亂無殺** 乎聖人藏於天故莫之能傷也復職者不折鎮干雖有 乘亦不知也墜亦不知也死生驚懼不入乎其智中是 夫若是者其天守全其神無卻物美自入焉夫醉者之 故選物而不問彼得全於酒而猶若是而况得全於天

一致定四重全書 一 郭註其心虚故能御厚質至適故無不可非物往可 皆以其無心故也不慮而知開天也知而後感開人 然報鄰者不事折之飄落之五雖復中人人莫之怨 車失其所知也非自然無心也干將鎮鄉與儲為用 物未足以相先常遊於極非物所制也止於所受之 心使氣不以物離性萬物皆造於自然若醉者之墜 之物與物何以相遠唯無心者獨遠耳同是形色之 分真然與造化日新終始有物之極飾則二矣不以 南華真經義海禁微

婚而無不至散而成章則入於無有而不可見亦以 賊生也任天性而動則人理自全民之所患偽之所 果敢可得而與我譬龍之為物合而成體則上極下 呂註天地之運萬物之變熟非氣邪誠能守乎純氣 也開天者性之動開人者知之用性動者遇物而當 則不室不熱不危無足異也凡以至虚而已豈知巧 生常在於知用不在於性動也 足則忘餘斯德生也知用者從感而求物而不已斯

當而不過也藏乎無端之紀則始終相反乎此不可 氣而己凡有貌聚聲色皆物也物與物何以相遠則 是而窮之者将處乎不淫之度則不繳不昧適與之 奚足至乎先均是色而已先則未有物之初色則物 得而窮也遊乎萬物之所終始則所謂造乎不形而 之以有異足以語純氣之守至虚之遊乎物之造乎 止乎無所化也壹性則不二養氣則不耗合其德以 不形則非貌象聲色故止事無所化而不去矣夫得

欠四百年二十一一人

南華與經義海察做

そうちとしん 人言 德生以其併忘其無知無為也開人者以其德有心 傷也常有司殺者殺則人之遇之猶干將飄尾而已 驚懼不入其智中則藏於天而全之者宜其物莫能 此天下所以均平雖伐國而無攻戰之亂也開天者 而心有眼也不厭其天則開之而已不忽於人畏人 形者是守全而無卻物奚事入焉夫全於酒者死生 通平物之所造則性修反德而與造物者同之乎不 之所畏也民而知此幾乎以其真矣 卷五十八

大心日本 二十 德動靜皆存得是而窮其妙理以極於無形無化物 静而有守所謂專氣致柔是也豈在知巧果敢之列 所造有形乃自於無形有化乃自於無化言神明之 夫貌象聲色物豈相遠而世之所先者不知踐神明 無終始然後能終始萬物故一其性而不二養其氣 焉得而止焉禮度有法故不淫道紀有本故無端唯 之容特先之以喜怒之色奚足以先乎物哉凡物之 疑獨註純者不雜守者致一不雜則靜致一則專氣 南華與經義海藻微

白りたとしい 守其自然而不虧物之自外來者安能入於我哉此 治國不厭其人不以人滅天也不忽於人不以天發 法自然天之天也德生者不以知治國賊生者以知 飄尾以其無心而人不怨也人之天有為中之自然 天之天無為中之自然老子云地法天人之天也道 下又設三譬醉者隆車得全於酒而不能傷也鎮干 而不害全其德而不散也若然則通物所造而不爭 人也民幾乎以其真言其化下也以此而己 老五十八

英觀其迹有心有情則招折招怨矣故以之治身則 持守不雜心無機巧也物皆形色熟為先後有形則 有所化得是不形不化之道故無有窮盡物各自正 碧虚註以其密行故能实通不畏虎兕不避甲兵者 馬醉者之物莫能傷亦猶是也聖人總乎天理鬼神 矣彼謂潛行而不室者不越法度含章職耀遊乎萬 物之始終歸乎太空而已矣壹性養氣合德三者混 與化同矣其天守全其神無卻室熱惴慄何事入 到在年度見好於改

多定四年全書 真道矣 累是色而己前叙四字後只舉色字文法也造物無 属齊云純氣之守守元氣而不雜也貌象聲色謂有 德役知者賊不以有德自足不以無知為失則近乎 和暢治國則太平不以知役知而以忘去忘忘機者 有物之先人之不能見乎萬物之終始者皆以迹自 形迹物皆拘於形我若有迹與物同耳何以至乎未 形而止於無所化言其無變易也得此造化之理而 卷五十八

開人之天則心猶未化六根皆為賊况外物乎 造曰天口神即此理之在我者内既全而無卻外物 造化是也壹性合德與造化為一故曰通乎物之所 盡其妙則去乎有物之物遠矣故馬得而止馬不淫 之天猶有心天之天無心也開天之天自然之德也 之度一定之法無端之紀無窮之理為物之所終始 奚事入焉醉者墜車鎮干飄尾之喻極精密有理人 列子得風優之道故其問若此答以純氣之守一

一 銀定匹库全書 泉聲色物有相遠又異足以相先舉不離乎形色 氣人則得氣之純像則能守此純氣而抱神以靜 語盡之蓋入獸草木虚空金石有情無情不離乎 藏中日新之紀而遊字物之至極壹性養氣與天 是理而窮之物焉得而制焉故將處乎所受之分 之無化乃物之所自化則萬物之終始可見矣得 故其動也物莫能室火莫能熱危其能慄也夫貌 而已然則所謂先者物之不形乃物之所自形物

而訛耳 情雖觸人而人不怨况不觸人乎人能若是天下 忘其神無間物奚事入其舍哉次論醉者全於酒 **玛平戰爭殺戮何自而有故天性人知在乎所開** 聖人藏乎天故莫之能傷也鎮干飄尾喻無心無 之不通郭註云至極者非所制也當是制字聲近 而德賊分焉學者慎諸 合德通平物之所造則超平形色之表矣其形可 南華軍軍見原衣徒 物馬得而止馬止字說 1

金定四庫全書 地之大萬物之多而惟蜩異之知吾不及不側不以萬 失者錙銖累三而不墜則失者十一累五而不墜猶掇 子巧乎有道邪曰我有道也五六月累九二而不墜則 仲尼適楚出於林中見病僕者承赒猶掇之也仲尼日 乃凝於神其痀僂丈人之謂乎 物易蜩之真何為而不得孔子顧謂弟子曰用志不分 之也吾處身也若橛株拘吾執臂也若槁禾之枝雖天 郭註累二九於草頭用手之停審也故其承明所失 卷五十八

停審之至乃無所復失遺彼故得此也 道而問之答以五六月蜩鳴之時累九至危習之精 者數之始循擬之者離一而入無矣概林稿木形容 者猶能使之不墜此習承賙之法也錙銖數之微 疑獨註病倭曲腰承蜩如拾仲尼見其巧妙疑其有 者錙銖之間累三而不墜所失者愈少累五而不墜 亦若是而己 呂註知承明之道則所謂純氣之守者其用志不分 南華與經表海察撒 加

金好四人多言 碧虚註蜩可以作臨故承取之初習承蜩累彈九於 其不動不以萬物易明之異何為而不得此豈天性 竿頭以驗其手不搖動累二九而不落失蜩猶錙錄 所有哉用志不分乃凝於神耳 來蜩之異而已哉 故取之如殺也由是知一志凝神則道無不得豈特 至累五而不落則身如斷木臂如稿枝蜩集而不疑 **鬳齊云不反不側只是凝定其心一主於蜩而不知** 卷五十八

未嘗見舟而便操之也吾問馬而不吾告敢問何謂也 1/4. 17 mg / LL 仲尼日善游者數能忘水也若乃夫沒人之未常見舟 問焉曰操舟可學邪曰可善游者數能若乃夫沒人則 而便操之也被視淵若陵視舟之覆猶其車却也覆却 顏淵問仲尼曰吾嘗濟乎觞深之淵津人操舟若神吾 投而不知有道寓馬乃疑於神疑當是凝後削錄章 可脈 有他此借以論神氣之守而世間實有是事但以為 有華貝里養海原教

金りひでんと書 萬方陳平前而不得入其舍惡往而不服以尾注者巧 外也凡外重者内拙 以動注者憚以黃金注者稻其巧一也而有所矜則重 重乎 所要愈重則其心愈於欲養生全內者其唯無所於 郭註物雖有性亦須數習而後能習以成性遂若自 却雖多而不以經懷以其性便故所遇皆閒服也若 然視淵若陵故視舟之覆於淵猶車之却退於坂覆 巻五十八

貴於鉤心無所貴故巧心有所貴則潰亂矣 碧虚註操舟若神善游者不懼弱也為沒於水者則 中惡往而不暇哉注者以物賭戲射也鉤貴於瓦金 疑獨註此寓言達生者率性任真心無係累無往而 不自得善游者率性操舟猶有未至若乃善沒水之 至於其神無却不足以與此 呂註觀操舟金注之說則形全精復者非棄世遺生 人未常見舟而便操之也覆却陳乎前而不入其智 うれ しまれ くれるい まれんけ

金定匹人生 田開之見周威公威公日吾聞礼野學生吾子與礼賢 外而内感感則雖巧者有時而拙矣 鬳齊云善没之人視水如平地則不學而能操舟矣 重貨則心計批此自然之理也 射而賭物曰注射者之巧本一有所顧惜則所重在 投物必審鉤金重質射器戰殆是知輕水則舟可操 之也憂患不入於胃次內有餘裕故也喻尾击賤器 不待舟即便操之言忘水者猶存舟未嘗見舟兼忘

内 遊 之有張毅者高門縣薄無不走也行年四十而有內熱 行年七十而猶有嬰兒之色不幸遇餓虎餓虎殺而食 子曰善養生者若牧羊然視其後者而鞭之威公曰何 於夫子威公曰田子無讓寡人願聞之開之曰聞之夫)病以死豹養其內而虎食其外毅養其外而病攻其 此二子者皆不鞭其後者也仲足曰無入而藏無出 也田開之口魯有單豹者嚴居而水飲不與民共利 亦何聞焉田開之曰開之操拔篲以侍門庭亦何聞

り、一、理、も無すた及

一致定匹库全書 戒者過也 知乎人之所取畏者祇席之上飲食之間而不知為之 而陽柴立其中央三者若得其名必極夫畏塗者十殺 郭註學生者務中適守一方之事至於過理者皆不 及於會通之適鞭後去其不及也藏既內矣而又入 之過於入也陽既外矣而又出之過於出也若稿木 人則父子兄弟相戒也必盛卒徒而後敢出馬不亦 之無心而中適是立名極而實當者也夫逢中十段 卷五十八

疑獨註善牧羊者視其後者而鞭之欲其循理而勿 失單豹張毅皆不鞭其後者也入而藏者入而又入 有心而為之柴立則無心中央則非其後者也 物有餘而形不養者也豹則入而藏裁則出而陽皆 呂註單豹則所謂形不離而生亡者也張毅則所 之斯過之甚也 出而陽者出而又出柴立其中央無心乎出入者也 人便天畏之至於色欲之害動之死地而莫不冒 南海真理大庭康散 **十** 二 謂

多定で人生 碧虚註養生若牧羊好逕故後不得不鞭也單豹養 得其實則名必極矣畏塗干殺一人人道之患也社 職謂幽棲離羣昧於應物出而陽者奔馳溷俗忘於 陰陽之思難明而不知戒老子云動之死地是也 席飲食之間陰陽之患也人道之患易見而人知避 内而不謹外張毅修外而不治內皆失鞭者也入而 得常名而臻極致者也夫畏塗簏顯易戒袵席微暗 自治柴立中央者愚魯不通少適變也三者無係是 老五十八

· 交包四車全事 柴立中央無心動靜若稿木也盡此三句可名為至 道之意無入而職不專於靜無出而陽不一於動也 張毅皆在人事有未盡者不可全委之於天也此段 属齊云拔等掃帚供酒掃之役也牧羊本聽其自然 有在後者而鞭之謂循天理而行亦必盡人事單豹 於學者已分上最為親切推此則知前後說天道人 人矣畏塗喻雅席益即峨眉伐性之斧示人室怨之 難持敌美色之為害也久矣而天下不覺也 南華真經義海暴微 九九

為之乎為風謀日不如食以糠糟而錯之字策之中自 則為之為義謀則去之自為謀則取之所異義者何也 為謀則尚生有軒見之尊死得於嚴備之上聚僕之中 汝十日戒三日齊籍白茅加汝肩尾半彫姐之上則汝 祝宗人玄端以臨牢策說風日汝奚惡死吾將三月樣 全力にした 戒也 郭註欲瞻則身亡理常存耳不問人獸也 呂註為巍謀則去之自為謀則取之宣爱身不若強 ノゴ 卷五十

碧虚註解牛及為鼓正三軍之衆為牛計者不若服 疑獨註為龜謀則願見尾於途中不願留骨而為貴 哉以世為之界也故唯棄世造生可以無累 **軛孤白之表天子被之而坐廟堂為孤計者不若走** 為異謀則願食糟糠而措牢策不願加肩尻乎彫姐 而樂貧賤莊子自喻以龜而喻世人以張其微意可 之上意謂逆性命之理以居富貴不若順性命之理

久山可事心事

南華頂經義海藻微

Ŧ

全がしんなる 属齊云玄端冠也樣羽養之也脲同篆楯机也曲而 澤此年義所以不願加肩尻子彫姓之上達生達命 之旨者也 而自為謀如此何邪 熊蹯不熟殺之寡春即此義生有軒冕之貴或以刑 死置身趺躓之上畚簿之中亦甘心焉為張謀如彼 可以聚物曰聚俊春苔之類也左宣公二年幸夫肠 已上四章大意相類尚僕承明用志不分似亦發

The Property of the second 者所執解義通而音訓未明詳玩字形參之以理 晃之惑是背所以破世人之昏迷歸達生之妙旨 界而不論無隱范先生云拔讀同拂拂篲皆服投 經青坦明不復贅釋 拔篲上蒲末切李氏舊註 謂也收羊鞭後則示養生之規祝宗說義則警軒 明前章純氣之守淵人操舟若神即精義入神之 而得其說拔當是城傳寫小差監韻城音拂與是 云把也庸齊口義同根拔之拔拔藝掃帚也諸解 南華與經義海察及

金ケロテレノー 南華真經義海暴微卷五十八 易彘之生彘猶不為之豈有人而不如彘乎 輔畫輔車所以載極聚當作散才官切僕當作養 同全羽也亦侍者所執縁猶陸氏音義云當作蒙 龍輔則蒙畫龍丈也經意蓋謂取富貴者之死以 亦若此續考禮記禮弓篇天子之獨散逢龍輔以 的調獨於散塗養養之中也而舊傳經文用 云設養養美同柳散聚也聚木蓋棺而全之